

06.maj 2020

UPA2020/108

Inatsisartut Suleriaasianni §36 malillugu apeqquteqaat aallaavigalugu oqallisissiamik imaattumik si-unnersuuteqarpunga:

Qassusersorluni qaleraliniarsinnaanermut piffissaliussaq atuutsinneqartoq allanngortariaqarneranik apeqquteqaat aallaavigalugu Inatsisartut oqallinnissaannik siunnersuut.

(Aleqa Hammond, Nunatta Qitornai)

Nunatsinni inuussutissarsiut pingaarneq tassaavoq aalisarneq. Aalisarnerup aningaasarsiutiginerani qaleralik qitiulluinnartumik inissisimavoq. Diskobugtimi, Upernavimmi Uummannamilu qaleralinniarnermik inuussutissarsiuteqarneq nunatta aningaasaqarneranut qitiulluinnartumik pingaaruteqarluinnartumilli inissisimavoq.

Qaleralittassat pisassiisutigineqarnerini soorunami inuiaqatigiittut aalisarnerup silarsuaani inuussutissarsiuteqartunit pingaartumik kissaatigineqartarpoq qaleralittassat tamakkerlugit pisarineqarlutik inuiaqatigiinnut aningaasatigut, suliffissatigut inuuniutigineqarnikkullu pissarsiassaq annerpaaq pissarsiarineqartassasoq.

Aalisarneq pillugu inatsimmit Naalakkersuisut nalunaaruteqarnermikkut immikkut malitassiorsinnaanermikkut qassusersorluni qaleralinniarnep piffissaliussaa aaliangertarpaat. Tamanna kommunet malittarisassaata naapertorlugit piffissaligaasumik tunniunneqartarpoq. Ajunngilluinnarpoq, pingaaruteqarmat malitassat erseqqissut tamanit paatsuugassutigineqarani naapertuilluarnermik tungaveqartumik ingerlatsineq pingaartinneqarmat.

Qassusersorluni qaleralinniarnep atugassarititaasut assigiinneqqaat, massa piffissaliussaasoq atasiusoq kommunet malittarisassaata malillugit. Diskobugtimi aammalu Upernavimmi qassusersorluni qaleralinniarsinnaaneq piffissaliussaasup iluani ajornaquteqanngitsumik aporfeqanngitsumik ingerlanneqartarpoq.

Assersuutigineqarsinnaavoq Uummannap sulluani qassusersorluni qaleralinniarsinnaanermut piffissaliussaq Uummannap sulluata sikusarnerata peqqutigisaanik piffissaliussap iluani pisassiisutigineqartartut qassusersorluni qaleralinniarsinnaanermut aporfeqartittarpa, taamaammat Uummannap sullua eqqarsaatigalugu avatangiisip pinngortitap namminerisamik killiliissutai aporfiusarput, kisiannili piffissaq killissaliussaataasooq juumimut sivitsorneqarsinnaasuuppat qassusersorluni qaleralittassat qallorneqarsinnaanerat avatangiisit pissusaannut tulluarnerusumik naapertuunnerusumillu atugassaqartitsisumik aaqqiisoqassagalarpoq.

Nunatta Qitornai

Inatsisartuni



Siunnersuutigineqanngilaq pisassat amerlineqarnissai aamma aalisariaaseq allanngortinneqarsinnaanerit siunnersuutaanani. Siunnersuulli tassaavoq pisassat tamakkerlugit qaqqittalernissai siunertaralugit ukiumut pisassiissutitut piffissaliussaasup aalisarfiusinaassumullu tulluarsaanissaq.

Qalerallit qaqqinneqanngitsoortartut Upernavimmi, Uummannami Ilulissanilu 7000 tons sinnillit pi-sassaareersut annertunerpaartai aalisartunit qaqqinneqarusupput, soorunami qaleralinnut akitsuutip 4 %-ia nunatta karsianut nakkartussaasoq inuiaqatigiinnut tamatsinnut iluaqutaanissaa kissaatigigatsigut. Kissaatigigatsigu pisassiissutigineqartut tamarmik iluaqutinngorlutik inuiaqatigiinnut tussasut.

Uummannami Qaleralinniat Peqatigiiffiat (QP) qassusersorluni qaleralinniarsinnaaneq sivitsoq-qullugu qinnuteqartarsimanerigalutit itigartitsissutigineqartarput aalisarnermi inatsikkut qassusersorluni qaleralinniarsinnaanermut piffissaliussaasoq Upernavimmut, Ilulissanut aammalu Uummannamut tamarmik assigiimmata. Assigiisneqarput isigineqarani sikusartuuneq aammalu siviluneru-sumik sikuunerata peqqutigisaanik aporfinnik nassataqarnera.

Piffissaliussaasoq Uummannamut sivitsoqneqarpat sikumik aporfeqqannginnerusumik qaleralinnia-rsinnaaneq periarfissiissaaq, qalerallit qaqqinneqarsinnaasut qaqqikkumasallu qaqqinneqarsinnaalis-sapput.

Piffissanngorpoq aporfeqqat aningaasarsiornissamut ajoqutaasoq piassallugit. Piffissanngorpoq aalisartortatsinnut eqaannerusumik avatangiisinut pinngortitamullu tulluarsarsimanerumik aqqis-suussinissaq.

Inatsisartut ataqqinartut, neriuppunga apeqquaqatiga aallaavigalugu oqallisissiaara ilassillu-arneqassasoq minnerunngitsumik Uummannamut atuuttumik qassusersorluni qaleralinniartarne-rup eqaannerusumik piffimmi atugassaqqartitsinissaa siunertaralugu.